

Fondacija Centar za javno pravo Vas poziva na okrugli sto i javni dijalog

«Uloga udruženja sudija i tužilaca u reformi pravosuđa»

u petak 4. oktobra/listopada 2019. godine u sali Senata Rektorata Univerziteta u Sarajevu (Obala Kulina bana 7/II)

sa početkom u 13:00 sati

Udruženjima sudija i tužilaca pripada istaknuto mjesto u izgradnji nezavisnog pravosuđa u sprečavanju političkog utjecaja na sudove, kao i u isključivanju lobističkog uplitanja u rad pravosudnih tijela. Na skupu će se otvoriti dijalog o zadacima udruženja sudija i tužilaca u promociji sudijske i tužilačke nezavisnosti, o aktivnostima na uspostavljanju kritičkog dijaloga unutar struke i o angažmanu u pogledu artikulacije problema koji su uočeni u pravosuđu. FCJP ovim skupom želi otvoriti dijalog o ulozi udruženja sudija i tužilaca u izgradnji neovisnog pravosuđa i u fomiranju sadržaja pravosudne reforme. FCJP nastoji podstaći dijalog o lobiraju interesnih grupa u pravosuđu kao i o otvorenim problemima pravosudne zajednice.

FCJP ovim nastoji osigurati dijalošku platformu na kojoj bi se izoštrili opšteprihvatljivi stavovi o uočenim problemima i uspostavili kriteriji za personalna rješenja (rukovodstva) u udruženjima sudija i tužilaca. Mišljenja smo da udruženja sudija ne smiju fungirati ni kao produžena ruka političke vlasti, ni kao glasnogovornici politički kontroliranih struktura unutar pravosuđa, ali ni kao instrumenti interesnih grupa. U tom smislu su personalna rješenja izuzetno značajna.

Skup je koncipiran kao okrugli sto na kojem će ulogu udruženja sudija u reformi pravosuđa predstaviti sudinica Vrhovnog suda F BiH **Slavica Cindrak**, a tužilaca tužilac Tužilaštva BiH, **Džermin Pašić**. Nakon uvodnog slova u dijaloškoj formi ćemo raspraviti problematična mjesta i pozicije. Očekujemo sadržajnu raspravu i jasne smjernice za uspostavljanje udruženja sudija i tužilaca kao respektabilnog partnera u reformi pravosuđa, u jačanju sudijskog integriteta i promociji zakonitosti.

Aktivno učešće sudija svih nivoa u dijalogu smatramo izuzetno značajnim. Pozivamo Vas da svojim učešćem doprinesete artikuliranju stavova o ulozi udruženja sudija u reformi pravosuđa Bosne i Hercegovine.

Broj učesnika je ograničen. Molimo da **prijavite učešće** putem telefona 033 262 715 ili emailom: info@fcjp.ba.

Predsjednik FCJP
prof. dr. Edin Šarčević

FCJP sa svojim skupovima donosi kompetenciju, orijentaciju na pravnu praksu i na konkretna rješenja pravnih problema. Naše ekspertize, analize i publikacije možete preuzeti pod linkom FCJP: www.fcjp.ba.

Program rada

13.00 – 13.15	Prijava i registracija učesnika
13.15 – 13.25	Pozdravne riječi organizatora
13.25 – 13.45	Slavica Cindrak , sudinica Vrhovnog suda FBiH: <i>Ključni izazovi udruženja sudija u reformi pravosuđa?</i>
13.45 – 14.00	Džermin Pašić , tužilac Tužilaštva BiH <i>Značaj udruženja tužilaca za nezavisno pravosuđe</i>
14.00 – 17.00	Diskusija sa učesnicima uz učešće predsjednice Upravnog odbora Udruženja sudija Republike Srbije, Snežane Bjelogrić
17:00	Završna riječ i zaključenje skupa

Rektorat Univerziteta u Sarajevu, sala Senata
Univerzitet u Sarajevu, Obala Kulina bana 7/II, 71000 Sarajevo
04. 10. 2019. od 13:00 sati